



PROSEDURA PA KUMPRA/BENDE VEHÍKULO MOTORISÁ

Promé ku bo kumpra òf bende un vehíkulo motorisá bo mester tene kuenta ku e siguiente aspektonan

- 1) Kua ta e último fecha ku bo a paga impuesto pa e vehíkulo konserní?
- 2) E vehíkulo konserní tin un plachi di number bálido?
- 3) E vehíkulo konserní tin un keuringskaart?
- 4) E doño di e vehíkulo konserní ta **konosí, alkansabel i por identifik'é?**
- 5) Un banko òf organisashon finansiero no tin derechi di propiedat fidusiaro riba e vehíkulo motorisá konserní?
- 6) Duana tin restriksion riba e vehíkulo motorisá?
- 7) E vehíkulo tin un number di outo speshal?

Si bo por kontesta 1 te ku i inkluyendo 6 ku *si* bo mester sigui e siguiente prosedimentu.

- a) E doño di e vehíkulo motorisá mester yena un formulario ros
- b) Ku esaki bo ta hasi kontra deklarashon (tegenaangifte) na Landsontvanger, Regentesselaan na Kwartier. In prinsipio esei ta bo eksonerashon.
- c) Landsontvanger mester aprobá i stèmpel e formulario
- d) Ku un kopia di e formulario di kontra deklarashon for di Landsontvanger e doño òf kumpradó mester akudí na UO Verkeer en Vervoer (UOVV)

UOVV mester risibí e siguiente dokumentonan

- a) E keuringskaart
- b) Un kopia di e kontra deklarashon formulario ku e stèmpel di Landsontvanger
- c) Identifikashon bálido di e doño
 - i) *Si e doño ta fayesé*
 - 1) Akta di fayesementu
 - 2) Identifikashon di e famia òf eredero ku ta aktua komo doño
 - 3) Un tètament si ta disponibel
 - ii) *Si e ta konserní un persona hurídiko*
 - 1) Un papel di Kámara Komersio no mas bieu ku 1 año
 - 2) Un kopia di e persona ku por aktua legal di parti di e persona hurídiko
 - 3) Prueba di outorisashon for di kual por ekstrahé e informashon menshoná
- d) Identifikashon bálido di e kumpradó (doño)
 - iii) *Si e ta konserní un persona hurídiko*
 - 1) Papel di Kámara di Komersio ku no ta mas bieu ku 1 año
 - 2) Kopia di e persona ku por aktua di parti di e persona hurídiko
- e) Si aplikabel aprobashon di e organisashon bankario
- f) Si aplikabel aprobashon di Duana



- a) Despues ku e aplikadó a entrega e dokumentonan menshoná e ta haña e número i despues e por warda riba e adaptashon
- b) Despues ku a hasi e adaptashon, e aplikadó ta haña un keuringkaart bashí ku kual e mester hasi pago na kasa rápidamente

Si e ta konserní un number di outo speshal (BUI, TX, TW, C etc.), e aplikadónan mester akudí inmediatamente na UOVV pa sigui kana e proseso conforme e prosedimentu.

Den tur otro kasonan mester entrega e dokumentonan na bali di UOVV pa evaluashon i pa hasi rekomendashon riba kon por konkluí un ku otro pa tur partido riba un manera pèrmisibel, teniendo kuenta ku tur partido interesá. Si esaki ta tuma mas tempu mester laga nòmber, adrès, number di telefon i email adrès atras rápidamente pa mas instrukshon. E proseso aki mester kaba den 1 òf 2 dia, dependé di e kompleksidat di e materia,

Si bo a pèrdè e dokumentonan di vehíkulo bo mester akudí na bali di UOVV bou di entrega di e dokumentonan disponibel ku por ta: kopianan di keuringskaart, belastingkaart òf dokumento di seguro. Si bo no tin ningun di nan, entrega e number di outo ku e vehíkulo tabata tin delaster biaha òf e nòmber di e doño di e vehíkulo. Si nan no ta disponibel, e number di chasis di e vehíkulo.

Gastunan

Bo mester paga fl. 15- pa yena un keuringskaart.

Na benefisio di algun instansha lei ta regulá kua di e kambionan ta grátis.